


詩所

十八之二十

漢書門類			
二	四	一	七
冊	架	函	號

內閣文庫			
三	二	二	漢
九	二	一	書
函	冊	七	類
一	冊	架	



五言古詩

內閣文庫		
番號	漢	11117
冊數	24 ( 14 )	
函號	319	128



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



詩所第十八卷

五言古詩

詠史二首


漢班固

主德彌薄惟後用肉刑太倉今有罪就逮長安城自  
恨身無子困急獨笄笄小女痛父言死者不可生上書  
詣闕下思古一作北關一作北關下歌鷄鳴憂心摧折裂晨風揚激聲  
聖漢孝文帝惻然感至情百男何憤憤不如一緹縈  
長安何紛紛詔葬霍將軍刺繡被百領縣官給衣衾

三良詩

魏陳思王植

功名不可為忠義我所安秦穆先下世三臣皆自殘生  
時等榮樂既沒同憂患誰言捐軀易殺身誠獨難攬涕



五言古詩 卷十八

登君墓臨穴仰天歎長夜何冥冥一往不復還黃鳥爲  
悲鳴哀哉傷肺肝

詠史詩

王粲

自古無殉死達人所共知秦穆殺三良惜哉空爾爲結  
髮事明君受恩良不訾臨沒要之死焉得不相隨妻子  
當門泣兄弟哭路陞臨穴呼蒼天涕下如縷縻人生各  
有志終不爲此移同知埋身劇心亦有所施生爲百夫  
雄死爲壯士規黃鳥作哀詩至今聲不虧

詠史詩

二首

阮瑀

誤哉秦穆公身沒從三良忠臣不違命隨軀就死亡低

頭闕壙戶仰視日月光誰謂此何處恩義不可忘路人  
爲流涕黃鳥鳴高桑

燕丹養勇士荆軻爲上賓圖擢盡匕首長驅西入秦素  
車駕白馬相送易水津漸離擊筑歌悲聲感路人舉坐  
同咨嗟嘆氣若青雲

詠史 八首

晉左思

弱冠弄柔翰卓犖觀羣書著論准過秦作賦擬子虛邊  
城苦鳴鏑羽檄飛京都雖非甲冑士疇昔覽穰苴長嘯  
激清風志若無東吳鈎刀貴一割夢想騁良圖左軔澄  
江湘右盼定羗胡功成不受爵長揖歸田廬

鬱鬱澗底松離離山上苗以彼徑寸莖蔭此百尺條世  
胄躡高位英俊沈下僚地勢使之然由來非一朝金張  
藉舊業七葉珥漢貂馮公豈不偉白首不見招

吾希段干木偃息藩魏君吾慕魯仲連談笑却秦軍當  
世貴不羈遭難能解紛功成耻一作受賞高節卓不羣

臨組不肯緤對珪寧肯分連璽曜前庭比之猶浮雲

濟濟京城內赫赫王侯居冠蓋蔭四術朱輪竟長衢朝  
集金張館暮宿許史廬南鄰擊鐘磬北里吹笙竽寂寂  
楊子宅門無卿相與寥寥空字中一作所講在玄虛言  
論準宣尼辭賦擬相如悠悠百世後英名擅八區

皓天舒白日靈景耀神州列宅紫宮裏飛宇若雲浮  
峨高門內藹藹皆玉侯自非攀龍客何為歛來游被褐  
出閭闔高步追許由振衣千仞岡濯足萬里流

荆軻飲燕市酒酣氣益震哀歌和漸離謂若傍無人雖  
無壯士節與世亦殊倫高聘邈四海豪右何足陳貴者  
雖自貴視之若埃塵賤者雖自賤重之若干鈞

主父宦不達骨肉還相薄買臣困樵採一作伉儷不安

宅陳平無產業歸來翳負郭長卿還成都壁立何寥寥  
四賢豈不偉遺烈光篇籍當其未遇時憂在填溝壑英  
雄有迤邐由來自古昔何世無奇才遺之在草澤

五言古詩 卷十八  
習習籠中鳥舉翮觸四隅落落窮巷士抱影守空廬出門無通路枳棘塞中塗計策棄不收塊若枯池魚外望無寸祿內顧無斗儲親戚還相蔑朋友日夜疎蘇秦北游說李斯西上書俛仰生榮華咄嗟復彫枯飲河期滿腹

詠史

張協

昔在西京時朝野多歡娛藹藹東都門羣公祖二疎朱軒曜金城供帳臨長衢達人知止足遺榮忽如無抽簪解朝衣散髮歸海隅行人爲隕涕賢哉此大一作丈夫揮金樂當年歲暮不留儲顧謂四座賓多財爲累愚清風

激萬代名與天壤俱咄此蟬冕客君紳宜見書

覽古詩

盧諶

趙氏有和璧天下無不傳秦人來求市厥價徒空言與之將見賣不與恐致患簡才一作之備行李圖令國命全藺生在下位繆子稱其賢奉辭馳出境伏軾徑入關秦王御殿坐趙使擁節前揮袂睨金柱身玉要俱捐連城既僞往荆玉亦真還爰在澠池會二主克交歡昭襄欲負力相如折其端背血下霑襟怒髮上衝冠西年終雙擊東瑟不隻彈捨生豈不易處死誠獨難稜威章臺顛疆禦亦不干屈節邯鄲中俛首忍回軒廉公何爲者負

荆謝厥譽智勇冠當世弛張使我歎

詠史 二首

袁宏

周昌梗槩臣辭達不為訥汲黯社稷器棟梁天表骨  
賈馱解紛時與酒檮杌婉轉將相門一言和平勃趨舍  
各有之俱令道不沒

無名困螻蟻有名世所疑中庸難為體狂狷不及時楊  
惲非忌貴知及有餘辭躬耕南山下蕪穢不遑治趙瑟  
奏哀音秦聲歌新詩吐音非凡唱負此欲何之

詠史

曹毗

軒轅應玄期幼能總百神體鍊五靈妙氣含雲露津慘

石曾城岫鑄鼎荆山濱豁焉天扉開飄然跨騰鱗儀轡  
灑長風褰裳躡紫宸

詠三良

陶淵明

彈冠乘通津但懼時我遺服勤盡歲月常恐功愈微忠  
情謬獲露遂為君所私出則陪文輿入必侍丹帷箴規  
向已從計議初無虧一朝長逝後願言同此歸厚恩固  
難忘君命安可違臨穴罔惟一作遲疑投義志攸希荆棘  
籠高墳黃鳥聲正悲良人不可贖泫然沾我衣

詠荆軻

燕丹善養士志在報強嬴招集百夫良歲暮得荆卿君

子死知已提劍出燕京素驥鳴廣陌慷慨送我行雄髮  
 指危冠猛氣克長纓飲餞易水上四座列羣英漸離擊  
 悲筑宋意唱高聲蕭蕭哀風逝淡淡寒波生商音一作聲  
 更流涕羽奏壯士驚心知去不歸且有後世名登車何  
 時顧飛蓋入秦庭凌厲越萬里逶迤過千城圖窮事自  
 至豪主正怔營惜哉劍術疎竒功遂不成其人雖已沒  
 千載有餘情

詠二疎

大象轉四時功成者自去借問衰周來幾人得其趣游  
 目漢廷中二疎復此舉高嘯返舊居長揖儲君傅餞送

俯皇朝華軒盈道路離別情所悲餘榮何足顧事勝感  
 行人賢哉豈常譽厭厭閭里歡所營非近務促席延故  
 老揮觴道平素問金終寄心清言曉未悟放意樂餘年  
 遑恤身後慮誰云其人亡久而道彌著

詠史

宋孝武帝

聶政憑驍氣荆軻擅美風孤刃駭韓庭獨步震秦宮懷  
 音豈若始捐軀在命終雄姿列往志流聲固無窮

五君詠

五首

顏延之

阮公雖淪跡識密鑒亦洞沈醉似埋照寓辭類託諷長  
 嘯若懷人越禮自驚衆物故不可論途窮能無慟右阮步兵

中散不偶世本自餐霞人形解驗默仙吐論知凝神立  
 俗迂流議尋山洽隱淪鸞翮有時鍛龍性誰能馴右臨中散  
 劉伶善閉關懷情滅聞見鼓鐘不足歡榮色豈能眩韜  
 精日沈飲誰知非荒宴頌酒雖短章深衷自此見右劉參軍  
 仲容青雲器實稟生民秀達音何用深識微在金奏郭  
 奕已心醉山公非虛覲屢薦不入官一麾乃出守右阮始平  
 向秀甘淡薄深心託毫素探道好淵玄觀書鄙章句交  
 呂既鴻軒攀嵇亦鳳舉流連河裏遊惻愴山陽賦右向常侍

張子房詩

謝瞻

王風哀以思周道蕩無章上洛易隆替與亂罔不亡力

政吞九鼎苛慝暴三殤息肩纏民思靈鑒集朱光伊人  
 感代工聿來扶興王婉婉幙中畫輝輝天業昌鴻門銷  
 薄蝕垓下隕攬槍爵仇建蕭宰定都護儲皇肇允契幽  
 叟翻飛指帝鄉惠心奮千祀清埃播無疆神武睦三正  
 裁成被八荒明兩燭河陰慶霄薄汾陽鑿於一作歷頽  
 寢飾像薦嘉嘗聖心豈徒甄惟德在無忘逝者如可作  
 揆子慕周行濟濟屬車士粲粲翰墨場瞽夫違盛觀竦  
 踊企一方四達雖平直蹇步愧無良餐和忘微遠延首  
 詠太康

詠史

鮑照



五都矜財雄三川養聲利百金不市死明經有高位京  
城十二衢飛薨各鱗次仕子彰華纓游客竦輕轡明星  
晨未晞軒蓋已雲至賓御紛颯沓鞍馬光照地寒暑在  
一時繁華及春媚君平獨寂寞身世兩相棄

蜀四賢詠

司馬相如

嚴君平

王褒

楊雄

渤渚水浴鳧春山玉抵鵲皇漢方盛明羣龍滿階閣君  
平因世閒得還守寂寞閉簾注道德開卦述天爵相如  
達生肯能屯復能躍陵令無人事毫墨時灑落褒氣有  
逸倫雅績信炳博如令聖納賢金璫易羈絡良遮神明  
遊豈伊覃思作玄經不期賞蟲篆憂散樂首路或參差  
投駕均遠託身表既非我生內任豐薄

代蘇屬國婦

梁武帝

良人如我期不謂當過時秋風忽送節白露疑前基愴  
愴獨涼枕恹恹孤月帷忽聽西北鴈似從東海湄果銜  
萬里書中有生離辭惟言長別矣不復道相思胡羊久  
剽奪漢節故支持帛上看未終臉下淚如絲空懷之死  
誓遠勞同穴詩

詠山濤王戎詩

顏生五君咏不取山濤王戎余聊咏之

昭明太子統

山公弘識量早厠竹林歡聿來值英主身游廊廟端位  
隆五教職才周五品官為君翻已易居臣良不難

五言古詩 卷十八  
濬冲如蕭散薄莫至中台激神歸鑒景晦行屬聚財嵇  
生襲玄夜阮藉變青灰留連追宴緒墟下獨徘徊

賦得嵇叔夜

庾肩吾

山林重明滅風月臨囂塵著書惟隱士談玄止谷神鴈  
慧翻傷性蠶寒更養身廣陵餘故曲山陽有舊隣俗險  
寧防患才多反累真寄言山吏部無以助庖人

詠霍將軍北伐

虞羲

擁旄爲漢將汗馬出長城長城地勢險萬里與雲平涼  
秋八九月虜騎入幽并飛狐白日晚瀚海愁雲生羽書  
時斷絕刁斗晝夜驚乘墉揮寶劍蔽日引高於雲屯七

萃士魚麗六郡兵胡笳關下思羗笛隴頭鳴骨都先自  
讐日逐次亡精玉門罷斥候甲第始修營位登萬庾積  
功立百行成天長地自久人道有虧盈未窮激楚樂已  
見高臺傾當令麟閣上千載有雄名

詠安仁得果

李孝勝

潘岳河邊返情知擲果多閉薨聽不見無奈識車何

前題

談士雲

月上河陽縣來看洛陽花擲果人相閱非是故停車

賦得荆軻

陳周弘直

荆卿欲報燕銜恩棄百年市中傾別酒水上擊離弦七

首光凌日長虹氣燭天留言與宋意悲歌非自憐

賦得韓信

張正見

淮陰總漢兵燕齊擅遠聲沈沙擁急水拔幟上危城野  
有千金報朝稱三傑名所悲雲夢澤空傷狡兔情

詠魯仲連

阮卓

魯連有高趣意氣本相求笑罷秦軍却書成燕將愁聊  
棄南金賞方從滄海遊寄言人世客非君能見留

賦得司馬相如

祖孫登

雍容文雅深王吉共追尋當壚應酌酒託意且彈琴上  
林能作賦長門得賜金唯當有漢主知懷封禪心

賦得蘇武

劉刪

奉使窮沙漠收淚上河梁食雪天山近思歸海路長繫  
書秋待鴈握節暮看羊因思李都尉還漢不相忘

讚四君

北魏常景

長卿有艷才直致不羣性鬱若春烟舉皎如秋月映遊  
梁雖好仁仕漢常稱病清貞非我事窮達委天命  
右司馬相如

王子挺秀質逸氣干青雲明珠既絕俗白鵠信驚羣才  
世苟不合遇否途自分空枉碧鷄命徒獻金馬文  
右王

嚴君情一作體沈靜立志明霜雪味道綜微言端著演妙

說才屈羅仲口位結李强舌素尚邁金具清標陵玉徹

蜀江導清流楊子挹餘休含光絕後彦覃思邈前修世  
輕久不賞玄談物無求當途謝權寵置酒得閒遊

右楊雄

賦得馬拔

隋王由禮

二帝已馳聲五溪還總兵受詔金鞍動論功銅馬成唯  
稱聚米勢無慙意苴情雖謝雲臺影猶傳千載名

詩所第十八卷

終

詩所第十九卷

五言古詩

擬魏太子鄴中集詩

八首序曰建安末余時在鄴宮朝遊夕讌寃歡愉之極天

下良辰美景賞心樂事四者難并今昆弟友朋  
二三諸彦共盡之矣古來此娛書籍未見何者  
楚襄王時有宋玉唐景梁孝王時有鄒枚嚴馬  
遊者美矣而其主不文漢武帝徐樂諸才備應  
對之能而雄猜多忌豈獲昭言之適不誣方將  
庶必賢於今日爾歲月如流零落將盡撰文懷  
人感往增愴其辭曰

宋謝靈運

百川赴巨海衆星環北辰照灼爛霄漢遙裔起長津天

地中橫潰家王

一作皇

拯生民區宇旣蕩滌羣英必來臻

忝此欽賢性由來常懷仁况值衆君子傾心隆日新論  
物靡浮說析理實敷陳羅縷豈闕辭窈窕究天人澄觴

滿金壘連榻設華茵急絃動飛聽清歌拂梁塵莫一作何

言相遇易此歡信可珍右魏太子

幽厲昔崩亂桓靈今板蕩伊洛既燎烟函嶠沒無像整

裝辭秦川秣馬赴楚壤沮漳自可美客心非外獎常歎

詩人言式微何由往上宰奉皇靈侯伯咸宗長雲騎亂

漢南宛一作紀郢皆掃盪排霧屬盛明披雲對清朗慶泰

欲重疊公子特先賞不謂息肩願一旦值明兩並載遊

鄴京方舟汎河廣綢繆清讌娛寂寥梁棟響既作長夜

飲豈顧乘日養右王粲家本秦川貴公子孫遭亂流寓白傷情多

皇漢逢迤邐天下遭氛慝董氏淪關西袁家擁河北單

民易周章窘身就羈勒豈意事垂已永懷戀故國相公

實勤王信能定蝥賊復覩東都輝重見漢朝則餘生幸

已多矧迺值明德愛客不告疲飲讌遺景刻夜聽極星

爛一作爛朝遊窮曠黑哀哇動梁埃急觴盪幽默且盡一

日娛莫知古來惑右陳琳袁本初書記之士故述喪亂事多

伊昔家臨淄提攜弄齊瑟置酒飲膠東淹留憇高密此

歡謂可終外物始難畢搖蕩箕濮情窮年迫憂慄末塗

幸休明棲集建薄質已免負薪苦仍游椒蘭室清論事

究萬美話信非一行觴奏悲歌永夜繫一作繼白日華屋

非蓬居時髦豈余匹中飲顧昔心悵焉若有失右徐幹少無宦

情有箕穎之心故仕世多素辭

貧居晏里閑少小長東平河交當衝要淪飄薄許京廣

川無逆流招納厠羣英北渡黎陽津南登宛一作鄧城

既覽古今事頗識治亂情歡友相解達敷奏究平生矧

荷明哲顧知深覺命輕朝遊牛羊下暮坐括搗鳴終歲

非一日傳厄弄濤聲辰事既難諧歡願如今并唯羨蕭

蕭翰繽紛戾高冥右劉楨卓犖偏人而文最有氣所得頗經奇

嗷嗷雲中鴈舉翮自委羽求涼弱水湄違寒長沙渚顧

我梁一作涼川時緩步集穎許一旦逢世難淪薄恒羈旅

天下昔未定託身早得所官渡厠一卒烏林預艱阻晚

節值衆賢會同庇天宇列坐廕華榱金樽盈清醕始奏

延露曲繼以闌夕語調笑輒酬答嘲諢無慙沮傾軀無

遺慮在心良已敘右應瑒汝穎之士流離世故頗有飄薄之歎

河洲多沙塵風悲黃雲起金羈相馳逐聯翩何窮已慶

雲惠優渥微薄攀多士念昔渤海時南皮戲清泚今復

河曲遊鳴葭汎蘭汜躡步陵丹梯並坐侍君子妍談既

愉心哀音一作弄信睦耳傾酷係芳醕酌言豈終始自從

食萍來唯見今日美右阮瑀管書記之任故有優渥之言

朝遊登鳳閣日暮集華沼傾柯引弱枝攀條摘蕙草徙

倚窳騁望目極盡所討西顧太行山北眺邯鄲道平衢

修且直白楊信裊裊副君命飲宴歡娛寫懷抱良遊匪

晝夜豈云晚與早衆賓悉精妙清辭灑蘭一作藻哀音

下迴鵠餘哇徹清昊中山不知醉飲德方覺飽願以黃

髮期養生念將老右平原侯植公子不及世事但美遊

學陶彭澤體 奉和王義興 鮑照

長憂非生意短願不須多但使尊酒滿朋舊數相遇秋

風七八月清露潤綺羅提瑟當戶坐歎息望天河保此

無傾動寧復滯風波

學劉公幹體 五首第四首一作張華

欲宦乏王事結主遠恩私為身不為名散書徒滿帷連

水上冬月披雪拾園葵聖靈燭區外小臣幾見遺

曠曠寒野霧蒼蒼陰山栢樹迴霧縈集山寒野風急歲

物盡淪傷孤貞為誰立賴樹自能貞不計迹幽澀

胡風吹朔雪千里度龍山集君遙臺上飛舞兩楹前茲

晨自為美當避艷陽天艷陽桃李節皎潔不成妍天一作年

荷生淥泉中碧葉齊如規迴風蕩流霧珠水逐條垂彪

炳此金塘藻耀君王池不愁世賞絕但畏盛明移

白日正中時天下共明光北園有細草當書正含霜垂

榮頌如此何用獨芬芳抽琴為爾歌絃斷不成章

學阮步兵體 王素

沈情發遐慮，紆鬱懷所思。髣髴聞簫管，嗚鳳接羸姬。聯綿共雲翼，嫵婉相攜持。寄言芳華士，寵利不常期。涇渭分清濁，視彼谷風詩。

戲作謝惠連體

一作沈約

梁簡文帝

雜藥映南庭，庭中光景媚。可憐枝上花，早得春風意。春風復有情，拂幔且開楹。盈盈開碧烟，拂幔復垂蓮。偏使紅花散，飄揚落眼前。眼前多無况，參差鬱相望。珠繩翡翠帷，綺幕芙蓉帳。香烟出繡戶，落日斜階上。日影去遲遲，節華咸在茲。桃花紅若點，柳葉亂如絲。絲條轉暮光，影落暮陰長。春燕雙雙舞，春心處處揚。酒滿心即

足萱枝愁不忘

雜體

三十首序曰夫楚謠漢風既非一骨魏製晉造固亦二體猶藍朱成彩雜錯之變無窮宮

角為音靡曼之態不極故蛾眉詭同貌而俱動於鬼芳草寧共氣而皆悅於鬼不其然歟至于世之諸賢各滯所迷莫不論甘而忌辛好丹而非素豈所謂通方廣恕好遠兼愛者哉乃及公幹仲宣之論家有曲直安仁士衡之評人立矯抗况復殊於此者乎又貴遠賤近人之常情重耳輕目俗之恒蔽是以邯鄲託曲於李奇士季假論於嗣宗此其效也然五言之興諒非夏古但關西鄴下既已罕同河外江南頗為異法故玄黃經緯之辨金碧浮沈之殊僕以為亦各具美兼善而已今作三十首詩教其文體雖不足品藻淵流庶亦無乖商榷云爾古別離李都尉從軍二首入樂府

江淹

遠與君別者，乃至鴈門關。黃雲蔽千里，遊子何時還。送



君如昨日簷前露已團不惜蕙草晚所悲道里寒君在  
天一涯妾身長別離願一見顏色不異瓊樹枝兔絲及  
水萍所寄終不移

右古別離

樽酒送征人踟躕在親宴日暮浮雲滋握手淚如霰悠  
悠清水川嘉魴得所薦而我在萬里結友

一作髮

不相見

袖中有短書願寄雙飛燕

右李都尉陵從軍

統扇如團月出自機中素畫作秦王女乘鸞向烟霧彩  
色世所重雖新不代故竊愁涼風至吹我玉階樹君子

恩未畢零落在中路

右班婕妤咏扇

置酒坐飛閣逍遙臨華池神飈自遠至左右芙蓉披綠

竹夾清水秋蘭被幽崖月出照園中冠珮相追隨客從  
南楚來為我吹參差淵魚猶伏浦聽者未云疲高文一  
何綺小儒安足為肅肅廣殿陰雀聲愁北林衆賓還城

邑何用慰我

一作吾

心 右魏文帝曹丕遊宴

君王禮英賢不恡千金璧雙闕指馳道朱宮羅第宅從  
容冰井臺清池映華薄涼風盪芳氣碧樹先秋落朝與  
佳人期日夕望青閣褰裳摘明珠徙倚拾蕙若眷我二  
三子辭義麗金牖延陵輕寶劍季布重然諾處富不忘  
貧有道在葵藿

右陳思王曹植贈友

蒼蒼山中桂團團霜露色霜露一何繁桂枝生自直橘

柚在南國因君為羽翼謬蒙聖主私託身文墨職丹彩  
既已過敢不自雕飾華月照芳池列坐金殿側微臣固  
受賜鴻恩良未測 右劉文學楨感懷

伊昔值世亂秣馬辭帝京既傷蔓草別方知杖杜情嶠

函蕩 一作復丘墟冀闕緬縱橫倚棹泛涇渭日暮山河清

蟋蟀依素 一作桑野巖風吹枯莖鸛鷓在幽草客子淚已

零去鄉三 一作二十載幸遭天下平賢主降嘉賞金貂服

玄纓侍宴出河曲飛蓋遊鄴城朝露竟幾何忽如水上

萍君子篤恩 一作惠義柯葉終不傾福履既所綏千載垂

令名 右王侍中粲懷德

曰余不師訓潛志去世塵遠想出宏域高步超常倫靈

鳳振羽儀戢景西海濱朝食琅玕實夕飲玉池津處順

故無累養德乃入神曠哉宇宙惠雲羅更四陳哲人貴

識義大雅明庇身莊生悟無為老氏守其真天下皆得

一名實久相賓咸池饗爰居鐘鼓或愁辛柳惠善直道

孫登庶知人寫懷良未遠感贈以書紳 右嵇中散康言

青鳥海上遊鸞斯高下飛浮沈不相宜羽翼各有歸飄

飄可終年 一作極沉 一作混瀆安是非朝雲乘變化光耀世

所希精衛銜木石誰能測幽微 右阮步兵籍咏懷

秋月映簾櫳懸光入丹墀佳人撫鳴琴清夜守空帷蘭

徑少行迹玉臺生網絲庭樹發紅彩閨草含碧滋延佇

整綾一作羅綺萬里贈所思願垂湛露惠信我皎日期右張

司空華離情

青春速天機素秋馳白日美人歸重泉悽愴無終畢殯

宮已肅清松栢轉蕭瑟俯仰未能弭尋念非但一撫衿

悼寂寞恍然若有失明月入綺窻髮髯想蕙質銷憂非

萱草永懷寄夢寐夢寐復冥冥何由覩爾形我慙北海

術爾無帝女靈駕言出遠山徘徊泣松銘雨絕無還雲

華落豈留英日月方代序寢興何時平右潘黃門岳述

儲后降嘉命恩紀被微身明發眷桑梓永歎懷密親流

念辭南澨銜怨別西津驅馬遵淮泗旦夕見梁陳服義

追上列矯迹厠宮臣朱黻咸髦士長纓皆俊民契闊承

華內綢繆踰一作越歲年日暮聊總駕逍遙覩洛川殂歿

一作祖多拱木宿草凌寒烟遊子易感慨躑躅還自憐願

言寄三鳥離思非徒然右陸平原機輔官

韓公淪賣藥梅生隱市門百年信在苒何爲一作用苦心

竟當學衛霍將建功在河源珪組賢君眄青紫明主恩

終軍才始達賈誼位方尊金張服貂冕許史乘華軒王

侯貴片議公卿重一言太平多歡娛飛蓋東都門顧念

張仲蔚蓬蒿滿中園右左記室思咏也

丹霞蔽陽景綠泉涌陰渚水鶴巢層甍山雲潤柱礎有  
奔興春節愁霖貫秋序燮燮涼葉奪戾戾颶風舉高談  
翫四時索居慕儔侶青茗一作苔日夜黃芳糝成宿楚歲  
暮百慮一作憂交無以慰延佇右張黃門協苦雨  
皇晉遘陽九天下橫氛霧秦趙值薄蝕幽并逢虎據伊  
余荷寵靈感激狗馳鶩雖無六奇術冀與張韓遇甯戚  
扣角歌桓公遭乃舉荀息冒險難實以忠貞故空今日  
月逝愧無古人度飲馬出城濠北望沙漠路千里何蕭  
條白日隱寒樹投袂既憤懣撫枕懷百慮功名惜未立  
玄髮已改素時哉苟有會治亂惟冥數右劉太尉琨傷亂

大厦須異材廊廟非庸器英俊著世功多士濟斯位卷  
顧成綢繆乃與時髦匹姻媾久不虧一作虛契闊豈但一  
逢厄既已同處危非所恤常慕先達槩觀古論得失馬  
服爲趙將疆場得清謚信陵佩魏印秦兵不敢出慨無  
幄中策徒慙素絲質羈旅去舊京一作鄉感遇踰琴瑟自  
顧非杞梓勉力在無逸更以畏友朋濫吹垂名實右盧郎中

世感交

崦山多靈草海濱饒竒石偃蹇尋青雲隱淪駐精魄道  
人讀丹經方士鍊玉液朱霞入牕牖曜靈照空隙傲睨  
摘木芝陵波採水碧眇然萬里遊矯掌望烟客永得安

期術豈愁濛汜泊

右郭弘農璞遊仙

太素既已分吹萬著形兆寂動苟有原因謂殤子天道  
喪涉千載津梁誰能了思乘扶搖翰卓然凌風矯靜觀  
尺捶義理足未嘗少回回秋月明憑軒詠堯老浪迹無  
蚩妍然後君子道領略歸一致南山有綺皓交臂久變  
化傳火乃薪草疊疊玄思清胸中去機巧物我俱忘懷  
可以狎鷗鳥

右孫廷尉綽雜述

張子闇內機單生蔽外像一時排冥筮冷然空中賞遣  
此弱喪情資生任獨往采藥白雲隈聊以肆所養丹葩  
曜芳蕤綠竹陰閒敞茗茗寄意勝不覺凌虛上曲櫺激

鮮飈石室有幽響去矣從所欲得失非外獎至哉操斤

客重明固已朗五難既灑落超迹絕塵網

右許徵君詢自敘

晨遊任所萃悠悠蘊真趣雲天亦遼亮時與賞心遇青

松挺秀萼惠色出喬

一作芳

樹極眺清波深網映石壁素

瑩情無餘滓拂衣釋塵務求仁既自我玄風豈外慕直  
置忘所宰蕭散得遺慮

右殷東陽仲文興曷

信矣勞物化憂襟未能整薄言遵郊衢總轡出臺省淒  
淒節序高寥寥心悟永時菊耀巖阿雲霞冠秋嶺森然  
惜良辰徘徊踐落景卷舒雖萬緒動復歸有靜曾是迫  
桑榆歲暮從所秉丹壑不可攀忘懷寄匠郢

右謝侯射混遊覽

種苗在東臯苗生滿阡陌雖有荷鋤倦濁酒聊自適日  
 暮巾柴車路闇光已夕歸人望烟火稚子候簷隙問君  
 亦何為百年會有役但願桑麻成蠶身得紡績素心正  
 如此開逕望三益

右陶徵君潛田居

江海經遭迴山嶠備盈缺靈境信淹留賞心非徒設平  
 明登雲峯杳與廬霍絕碧障長周流金潭恒澄徹洞林  
 帶晨霞石壁映初晰乳竇既滴瀝丹井復寥泝崑崙轉  
 竒秀岑崱還相蔽赤玉隱瑤溪雲錦被沙泃夜聞猩猩  
 啼朝見鼯鼠逝南中氣候暖朱華凌白雪幸遊建德鄉  
 觀竒經禹穴身名竟誰辨圖史終磨滅且泛桂水潮映

月遊海滋攝生貴處順將為智者說

右謝臨川靈運遊

太微凝帝宇瑤光正神縣袞日祭書史相都麗聞見列  
 漢構仙宮闢天製寶殿桂棟留夏飈蘭橈停冬霰青林  
 結冥濛丹巘被一作蔥蒨山雲備卿霽池卉具靈變重  
 陽集清氛下輦降玄宴鶩望分寰際麗曠盡都甸氣生  
 川嶽陰烟滅淮海見中坐溢朱組步欄筵瓊弁禮登佇  
 睿情樂闋延皇眄測恩躋愉逸泐牒懜浮賤承榮重兼  
 金一作榮重巡華過盈瑱敢飾與人詠方慙淥水薦右

特進延之侍宴

昨發赤亭渚今宿浦陽泃方作雲峯異豈伊千里別芳

塵未歇席零一作淚猶在袂停艦望極浦弭棹阻風雪

風雪既經時夜永起懷思汎濫北湖遊茗亭南樓期點

翰詠新賞開袞瑩所疑摘芳愛氣馥拾藥憐色滋色滋

畏沃若人專亦銷鑠子衿怨勿往谷風誚輕薄共秉延

州信無慙仲路諾靈芝望三秀孤筠情所託所託已殷

勤祇足攪懷人今行嘒嘒外銜思至海濱覲子杳未偃

歛睇在何辰雜珮雖可贈疏華竟無陳無陳心悵勞旅

人豈遊遨幸及風雪霽青春滿江臯解纜候前侶還望

方鬱陶烟景若離遠未響寄瓊瑤右謝法曹惠連贈別

窈譎瀟湘空翠澗澹無滋寂歷百草晦歛吸鷗雞悲清

陰往來遠月華散前墀鍊藥矚虛幌汎瑟臥遙帷水碧

驗未黠金膏靈詎淄一作詎能淄北渚有帝子蕩漭不可期

悵然山中暮懷痾屬此詩右王徵君徵養疾

宮廟禮哀敬粉邑道嚴玄恭潔由明祀肅駕在祈年詔

徒登季月戒鳳藻行川雲旆象漢徙宸網擬星懸朱權

麗寒渚金鉸映秋山羽衛藹流景綵吹震沈淵辨詩測

京國履籍鑿都鄺毗誼響玉律邑頌被丹弦文軫薄桂

海聲教燭冰天和惠頒上笏恩渥浹下筵幸侍觀洛後

豈慕巡河前服義方無沫展歌殊未宣右袁太尉叔從

蕭舲出郊際徙樂逗江陰翠山方藹藹青浦正沈沈涼

葉照沙嶼秋榮冒水潯風散松架險雲鬱石道深靜默

一作然

鏡縣野四睇亂層岑氣清知鴈引露華識猿音雲

裝信解黻烟駕可辭金始整丹泉術終覲紫芳心行光

自容裔無使弱思侵

右謝光祿莊郊遊

豪士枉尺璧宵人重恩光徇義非為利執羈輕去鄉孟

冬郊祀月殺氣起嚴霜戎馬粟不暖軍士冰為漿晨上

城臯坂積礫皆羊腸寒

一作雲

陰籠白日大谷晦蒼蒼息

徒稅征駕倚劔臨八荒鷓鴣不能飛玄武伏川梁鍛翮

由時至感物聊自傷豎儒守一經未足識行藏

右鮑參軍照戎

行

西北秋風至楚客心悠哉日暮碧雲合佳人殊未來露

彩方泛艷月華始徘徊寶書為君掩瑤瑟詎能開相思

巫山渚悵望陽雲臺膏鑪絕沈燎綺席生浮埃桂水日

千里因之平生懷

右休上人怨別

學魏文帝

西北有浮雲繚繞華陰山惜哉時不遇入夜值霜寒秋

風聒地起吹我至幽燕幽燕非我國窈窕為誰賢少年

歌且止歌聲斷客子

學潘岳河陽縣詩

上虞鄉亭觀濤津渚作

梁劉孝綽

昔余筮賓始衣冠仕洛陽無貲徒有任一命忝為郎再



踐神仙側三入崇賢旁東朝禮髦俊虛薄廁才良遊談  
 待名理搦管創文章引籍陪下膳橫經叅上庠誰謂服  
 事淺契闊變炎涼一朝謬為吏結綬去承光烹鮮徒可  
 習一作惜治民終未長化雞仰季智馴雉推仲康此城鄰  
 夏穴櫛蠹茂筠篁孝碑黃絹語神濤白鷺翔遨遊佳可  
 望釋事上川梁秋江凍雨絕反景照移塘織羅未動  
 駭水忽如湯乍出連山合時如高蓋張漂沙黃冰聚巖  
 石素波揚榜人不敢唱舟子詎能航離家復臨水眷然  
 思故鄉中來不可絕奕奕苦人腸游洞若無阻謝病反  
 清潭

學謝體

何子朗

桂臺清露拂銅陛落花沾美人紅粧罷攀鈎捲細簾思  
 君暫促柱玉指何纖纖未應為此別無故坐相嫌

擬吳均體

應教

紀少瑜

庭樹發春輝遊人競下機却匣擊歌扇開箱擇舞衣桑  
 萎不復惜看花遽將夕自有專城居空持迷土客

吾曾與卦王計四盤盤未測為世揭無姑坐休幾  
 卦臺青雲出離到春亦出美人珠掛翠簪  
 學博堂  
 張少翁  
 同于

詩所第二十卷

五言古詩

別詩

四首第二首一作留別妻

漢蘇武

骨肉緣枝葉結交亦相因四海皆兄弟誰為行路人況  
 我連枝樹與子同一身昔為鴛與鴦今為參與辰昔者  
 常相近邈若胡與秦惟念當乖離恩情日以新鹿鳴思  
 野草可以喻嘉賓我有一尊酒欲以贈遠人願子留斟酌  
 敘此平生親  
 結髮為夫婦恩愛兩不疑歡娛在今夕燕婉及良時征  
 夫懷往路起視夜何其參辰皆已沒去去從此辭行役  
 在戰場相見未有期握手一長歎淚為生別滋努力愛

春華莫忘歡樂時生當復來歸死當長相思

黃鵠一遠別千里顧徘徊胡馬失其羣思心常依依何

況雙飛龍羽翼臨當垂幸有絃歌曲可以喻中懷請為

遊子吟泠泠一何悲絲竹厲清聲慷慨有餘哀長歌正

激烈中心愴以摧欲展清商曲念子不得歸俛仰內傷

心淚下不可揮願為雙黃鵠送子俱遠飛

燭燭晨明月馥馥我疑作秋蘭芳芬馨良一作長夜發隨風

聞我堂征夫懷遠路遊子戀故鄉寒冬十二月晨起踐

嚴霜俯觀江漢流仰視浮雲翔良友遠別離各在天一

方山海隔中州相去悠且長嘉會難再遇歡樂殊未央

願君一作言崇令德隨時愛景光

與蘇武別詩三首

李陵

良時不再至離別在須臾屏管衛路側執手野踟躕仰

視浮雲馳奄忽互相踰風波一失所各在天一隅長當

從此別且復立斯須欲因晨風發送子以賤軀

攜手上河梁遊子暮何之徘徊蹊路側恨恨一作恨恨不能

辭行人難久留各言長相思安知非日月弦望自有時

努力崇明德皓首以為期

嘉會難再遇三載為千秋臨河濯長纓念子一作別悵悠

悠遠望悲風至對酒不能酬行人懷往路何以慰我愁

獨有盈觴酒與子結綢繆

擬李陵錄別詩 八首

亡名氏

有鳥西南飛熠熠似蒼鷹朝發天北隅暮聞日南陵欲

寄一言去一作辭託之牋綵繒因風附輕翼以遺心蘊蒸

鳥辭路悠長羽翼不能勝意欲從鳥逝駑馬不可乘

爍爍三星列拳拳月初生寒涼應節至蟋蟀夜悲鳴晨

風動喬木枝葉日夜零遊子暮思歸塞耳不能聽遠望

正蕭條百里無人聲豺狼鳴後園虎豹步前庭遠處天

一隅苦困獨零丁親人隨風散歷歷如流星三萍離不

結思心獨屏營願得萱草枝以解饑渴情

寂寂君子坐奕奕合衆芳温聲何穆穆因風動馨香清

言振東序良時著西庠乃命絲竹音列席無高倡悲意

何慷慨清歌正激揚長哀發華屋四坐莫不傷

晨風鳴北林熠熠一作熠東南飛願言所相思日暮不垂

帷明月照高樓想見餘光輝玄鳥夜過庭髮髯能復飛

褰裳路踟躕彷徨不能歸浮雲日千里安知我心悲思

得瓊樹枝以解長渴饑高樓一作戶樞

陟彼南山隅送子淇水陽爾行西南遊我獨東北翔轅

馬顧悲鳴五步一徬徨雙鳧相背飛相遠日已長遠望

雲中路想見來珪璋萬里遙相思何益心獨傷隨時愛

景曜願言莫相忘

鍾子歌南音仲尼嘆歸與戎馬悲邊鳴遊子戀故廬陽  
鳥歸飛雲蛟龍樂潛居人生一世間貴與願同俱身無  
四凶罪何爲天一隅與其苦筋力必欲榮薄軀不如及  
清時策名於天衢

鳳皇鳴高岡有翼不好飛安知鳳皇德貴其來見稀  
紅塵蔽天地白日何冥冥微陰盛殺氣淒風從此興招  
搖西北指天漢東南傾嗟爾寄廬子獨行如履冰短褐  
中無緒帶斷續以繩瀉水置瓶中焉辨淄與澠藥父不  
洗耳後世有何稱

擬蘇武答詩 二首

亡名氏

童童孤生柳寄根河水泥連翩遊客子于冬服涼衣去  
家千里餘一身常渴饑寒夜立清庭仰瞻天漢湄寒風  
吹我骨嚴霜切我肌憂心常慘戚晨風爲我悲璫光游  
何速行願支荷一作還一作還仰視雲間星忽若割長帷低頭  
還自憐盛年行已衰依依戀明世愴愴難久懷  
雙鳧俱北飛一鳧獨南翔子當留斯館我當歸故鄉一  
別如秦胡會見何詎央愴恨切中懷不覺淚沾裳願子  
長弩力言笑莫相忘

見挽船士兄弟辭別詩

魏文帝

舍我故鄉客將適萬里道妻子牽衣袂落淚霑懷抱

為挽船士與新娶妻別 一作徐幹

與君結新婚宿昔當別離涼風動秋草蟋蟀鳴相隨冽  
冽寒蟬吟蟬吟抱枯枝枯枝時飛揚身體忽遷移不悲  
身遷移但惜歲月馳歲月無窮極會合安可知願為雙  
黃鵠比翼戲清池

送應氏詩 二首

陳思王植

步登北邙阪遥望洛陽山洛陽何寂寞宮室盡燒焚垣  
墻皆頓擗荆棘上參天不見舊耆老但覩新少年側足  
無行徑荒疇不復田游子久不歸不識陌與阡中野何

蕭條千里無人烟念我平常居 一作生親 氣結不能言

清時難屢得嘉會不可常天地無終極人命若朝霜願  
得展嫵婉我友之朔方親昵並集送置酒此河陽中饋  
豈獨薄賓飲不盡觴愛至望苦深豈不愧中腸山川阻  
且遠別促會日長願為比翼鳥施翮起高翔

別詩 二首

應瑒

朝雲浮四海日暮歸故山行役懷舊土悲思不能言悠  
悠涉千里未知何時旋

浩浩長河水九折東北流晨夜赴滄海海流亦何抽遠  
適萬里道歸來未有由臨河累 一作竟 太息五內懷傷憂

從幸洛水餞王公歸國

晉王浚

聖主應期運至德敷彝倫神道垂大教玄化被無垠欽  
若崇古制建侯屏四鄰皇輿迴羽蓋高會洛水濱臨川  
講妙藝縱酒釣潛鱗八音以迭奏蘭羞備時珍古人亦  
有言爲國不患貧與蒙廟庭施幸得厠大鈞羣僚荷恩  
澤朱顏感獻春賦詩盡下情至感暢人神長流無舍逝  
白日入西津奉辭慕華輦侍衛路無因馳情繫帷幄乃  
心戀軌塵

祖道畢雍孫劉邊仲潘正叔

陸機

皇儲延髦俊多士出幽遐適值

一作遂

時來運與子遊承

華執笏崇賢內振纓層城阿畢劉贊文武潘生蒞  
感別懷遠人願言歎以嗟

送盧景宣

潘尼

楊朱焉所哭岐路重別離屈原何傷悲生離情獨哀知  
命雖無憂倉卒意低迴歎氣從中發灑淚隨襟頽九重  
不常鍵閭闔有時開愧無紵衣獻貽言取諸懷

送大將軍掾盧晏

贈物雖陋薄識意在忘言瓊瑤尚交好桃李貴往還蕭  
艾苟見納貽我以芳蘭

之馮翊祖道詩

孫楚

舉翮撫三秦抗我千里目念當隔山河執觴懷慘毒

征西官屬送於陟陽侯作

晨風飄岐路零雨被秋草傾城遠追送餞我千里道三  
命皆有極咄嗟安可保莫大於殤子彭聃猶為天吉凶  
如糾纏憂喜相紛繞一作擾天地為我鑪萬物一何小達  
人垂大觀誠此苦不早乖離卽長衢惆悵盈懷抱孰能  
察其心鑒之以蒼昊齊契在今朝守之與偕老

感離詩

答兄思

左貴嬪

自我去膝下倏忽踰再期迢迢漫遠拜在將何時披  
省所賜告尋玩悼離詞弟思想容儀款款不自持何時

當奉百娛目於書詩何以訴辛苦告情於文辭

與諸兄弟方山別

王處之

脂車總馳輪汎舟理飛棹絲染墨悲歎路岐楊感悼

送許從

李克

來若迅風歡逝如歸雲征離合理之常聚散安足驚

與殷晉安別

殷先居潯陽後作太尉參軍移家東下贈此

陶淵明

遊好非久長一作少長一遇盡殷勤信宿酬清話益復知為

親去歲家南里薄作少時隣負杖肆游從淹留忘宵晨  
語默自殊勢亦知當華分未謂事已及興言在茲春飄  
飄西來風悠悠東去雲山川千里外言笑難為因才華



良一作才不隱世江湖多賤貧脫有經過便念來存故人

於王撫軍座送客

秋日淒且厲百卉具已腓爰以履霜節登高餞將歸寒  
氣冒山澤游雲倏無依洲渚思綿邈風水互乖違瞻夕  
欲良讌離言聿云悲晨鳥暮來還懸車歛餘暉逝止判  
殊路旋駕悵遲遲目送回舟遠情隨萬化遺

送東陽太守

殷仲文

昔人深誠歎臨水送將離如何祖良遊心事孱在斯虛  
亭無留賓東川緬逶迤

送二王在領軍府集詩

謝混

苦哉遠征人將乖萃余室明牕通朝暉絲竹盛蕭瑟樂  
酒輟今辰離端起來日

征虜亭餞王少傅

范廣泉

挂冠東門閭歸褐西唐足結轍塵高衢祖供懸長麓韓  
卿辭輦路疎傳知殆辱素德燭光塵玄軌芳前覺

前題

孔法生

昔人鑒殆辱解紱揚歸舲真感屬神慮高興襲天情

送桓竟陵

卞裕

翰城將孰寄懷人應斯蒞餞行臨高阜怡衿睦景氣

別詩

五言古詩 卷二十一  
余弟適東邁眷戀將乖情離別信吾事悽心相纏嬰

與廬陵王江夏王

二首

宋孝武帝

連歲矜離心今茲幸良集信宿窮晨暮開顏披所載未  
盡歡娛懷已傷岐路及舳艫引江介飛旌背爾邑悄擾  
徒旅戒團欒流景入遲遲分手念泫泫登路泣

送行帳川逝離酌偶歲陰陰雲掩歡緒江山起別心

送雷次宗

謝靈運

符守瑞邊楚感念悽城壕志苦離思結情傷日月滔

送孔令

九日從宋公戲馬臺集作

季秋邊朔苦旅鴈違霜雪淒淒陽卉腓皎皎寒潭絜良

辰感聖心雲旗興暮節鳴葭戾朱宮蘭卮獻時哲餞宴  
光有孚和樂隆所缺在宥天下理吹萬羣方悅歸客遂  
海隅脫冠謝朝列弭棹薄枉渚指景待樂闕河流有急  
瀾浮驟無緩轍豈伊川途念宿心愧將別彼美丘園道  
喟焉傷薄劣

前題

謝瞻

風至授寒服霜降休百工繁林收陽彩密苑解華叢巢  
幕無留燕遵渚有來

一作歸

鴻輕霞冠秋日迅商薄清穹

聖心眷嘉節揚鑾戾行宮四筵霑芳醴中堂起絲桐扶  
光迫西汜歡餘

一作餘歡

宴有窮逝矣將歸客養素克有終

臨流怨莫從歡心嘆飛蓬

王撫軍庾西陽集別

時為豫章太守庾被徵還都

祇召旋北京守官反

一作及

南服方舟析舊知對筵曠明

牧舉觴矜飲餞指途念出宿來晨無定端別畧有成速  
頽陽照通津夕陰曖平陸榜人理行艫輶軒命歸僕分  
手東城闈發櫂西江隩離會雖相雜逝川豈往復誰謂  
情可書盡言非尺牘

夜集歎乖

謝惠連

詩人詠踟躕騷首歌離別誠哉曩日歡展矣今夕切吾  
生赴進令質明即行轍在貧故宜言贈子保温惠苟用

書諸紳久要亮有誓

與孔曲阿別

淒淒乘蘭秋言餞千里舟塗屆雲陽邑邑宰有昔遊行  
人雖念路為爾暫淹留

送從弟道秀別

鮑照

參差生密念躑躅行思悲悲思戀光景密念盈一作歲  
時歲時多阻折光景乏安怡以此苦風情日夜驚懸旗  
登山臨朝日揚袂別所思浸淫旦潮廣瀾漫宿雲滋天  
陰懼先發路遠常早辭篇詩後相憶杯酒今無持游子  
苦行役冀會非遠期

和傅大農與僚故別

絕節無緩響傷鴈有哀音非同年歲意誰共一作別離

心伊昔謬通塗一作望冠屣預人林浮江望南嶽登潮窺

海陰孰謂游居淺慕美久相深萋萋春草秀嚶嚶喜候

禽辰物盡明茂尊盛獨幽沈之子安所適我方栖舊岑

墜歡豈更接明愛邈難尋

吳興黃浦亭庾中郎別

風起洲渚寒雲上日無輝連山眇烟霧長波迴難依旅  
鴈方南過浮客未西歸已經江海別復與親眷違奔景  
易有窮離袖安可揮權觴為悲酌歌服成泣衣溫念終

不渝藻志遠存追役人多牽滯顧路慙奮飛昧心附

翰炯言藏佩章

與伍侍郎別

民生如野鹿知愛不知命飲齧具攢聚翹陸歛驚迸傷  
我慕類心感爾食苹性漫漫鄢郢途渺渺淮海逕子無  
金石質吾有犬馬病憂樂安可言離會孰能定欽哉慎  
所宜砥德乃為盛貧游不可忘久交念敦敬

與荀中書別

勞舟厭長浪疲旆倦行風連翩感孤志契濶傷賤躬親  
交篤離愛眷戀置酒終敷文勉征念發藻慰愁容思君

五言古詩 卷二十一  
吟涉洧撫已謹渡江慙無黃鶴翅安得久相從願遂宿  
知意不使舊山空

送盛侍郎餞候亭

霜霜襲冠帶驅駕越城闈北臨出塞道南望入鄉津高  
墉宿寒霧平野起秋塵君爲坐堂子我乃負羈人欣悲  
豈等志甘苦誠異身結涕園中草憔悴悲此春

贈傅都曹別

輕鴻戲江潭孤鴈集洲汜邂逅兩相親緣念共無已風  
雨好東西一隔頓萬里追憶栖宿時聲容滿心耳落日  
川渚寒愁雲繞天起短翮不能翔徘徊烟霧裏

送別王宣城

發郢流楚思涉淇興衛情旣逢青春獻復值白蘋生廣  
望周千里江郊藹微明舉爵自惆悵歌管爲誰清潁陰  
騰前藻淮陽流昔聲樹道慕高華屬路佇深馨

後園餞從兄豫章

齊王儉

茲夕竟何夕念別開曾軒光風轉蘭蕙流月汎虛園

別蕭諮議

一作蕭諮議西上夜集

王融

徘徊將所愛惜別在河梁衿袖三春隔江山千里長寸  
心無遠近邊地有風霜勉哉勤歲暮敬矣事一作容光  
山中殊未擇杜若空自芳

前題

王延之

霏雲承永夜皓燭驚離軒執酒愴誰與舉袖默無言恐  
茲君為別如此歲方暄年深北岫時鳥思南國園江上  
愁別日階下樹芳蓀

前題

梁任昉

離燭有窮輝別念無終緒岐言未及申離日已先舉揆  
景巫衡阿臨風長楸浦浮雲難嗣音徘徊悵誰與儻有  
關外驛聊訪狎鷗渚

前題

宗夬

別酒正參差垂情將陸離悵焉臨桂苑憫默瞻華池輕  
雲流惠采時雨亂清漪眇眇追蘭逕悠悠結芳枝  
終何託心寄方在斯

前題

前夜以醉乖例今晝由醒敬應教

蕭琛

落日總行轡薄別在江干遊客無淹期晨川有急瀾分  
手信云易相思誠獨難之子兩特達伊余日盤桓俟我  
式微歲共賞階前蘭

答王中書別

梁武帝

問我去何節光風正悠悠蘭華時未晏舉袂徒離憂緩  
客承別酒鳴琴和好仇清宵一已曙貌爾泛長洲眷言  
無歇緒深情附還流

別王丞僧孺 一作謝朓

王融

首夏實清和餘春滿郊甸花樹雜爲錦月池皎如練如  
何於一作當此時別離言與面留宴已鬱紆行舟亦遙衍  
非君不見思所悲思不見

奉辭鎮西 應教

未學謝能筭高義幸知遊雷庭叅辯爽梁苑豫才鄒徘徊  
徊歲光晚搖落江樹秋風旗縈別浦霜瑄迥遙洲

忝役湘州與宣城吏民別

謝朓

弱齡倦簪履薄晚忝華輿開灑盡地區山泉諸所好幸  
遇昌化穆惇一作淳俗罕驚暴四時從假息三春思使昌

下車遽暄席紆服始黔竈榮辱未遑敷德禮何由導  
徂奉南岳兼秩典邦號疲馬方云驅鉛刀安可操遺惠  
良寂寞恩靈亦匪報桂水日悠悠結言幸相勞吐納貽  
爾和窮通曷所蹈

新亭渚別范零陵雲

洞庭張樂地瀟湘帝子遊雲去蒼梧野水還江漢流停  
我悵望輟棹子夷猶廣平聽方籍茂陵將見求心事  
俱已矣江上徒離憂

別江水曹 一作與江水曹至千濱戲

山中上芳月故人清樽賞遠山翠百重迴流映千丈花



枝聚如雪蕪絲散猶網

一作垂藤  
散似網

別後能相思何嗟異

封壤

送江水曹還遠館

高館臨荒途清川帶長陌上有流思人懷舊  
邊草雜紅樹際花猶白日暮有重城何由盡離席

送江兵曹檀主簿朱孝廉還上國

方舟泛春渚攜手趨上京安知慕歸客詎憶山中情香  
風藥上發好鳥葉間鳴揮袂送君已獨此夜琴聲

臨溪送別

悵望南浦時徙倚北梁步葉上涼風初日隱輕霞暮荒

城迴易陰秋溪廣難渡沫泣豈徒然君子行多露

別詩

張融

白雲山上盡清風松下歇欲識離人悲孤臺見明月

送始安王方畧入關

梁武帝

如何吾幼子勝衣已別離十日無由宴千里送遠垂

餞庾仲容

昭明太子統

孫生陟陽道吳子朝歌縣未若樊林華

一作舉置酒臨高

一作華殿

罷丹陽郡往與吏民別

簡文帝

久歸從事麥非留故吏錢柳栽今尚在棠陰君詎憐



餞臨海太守劉孝儀蜀郡太守劉孝勝

碣石臨東海峨嵋距西候兩杜昔夾河二龍今出守方  
無夜犬驚向息神牛鬪涼風遶輕幕麥雨交新溜念此  
一銜觴懷離在惟舊

餞廬陵內史王修 應令

餞行臨上節開筵命羽觴迴池瀉飛棟濃雲垂畫堂疎  
槐未合影仄日暫流光園梅歛新藻 一作 階蕙結初芳

送別

行行異沂海 一作海沂 依依別路岐水苔隨纜聚岸柳拂舟  
垂石菌生懸葉江槎流臥枝燭盡悲宵去酒滿惜將離

餞別

行樂出南皮讌餞臨華池籜解篁開節花暗鳥迷枝  
陰隨影度水色帶風移徒命銜杯酒終成憫別離

別荊州吏民 三首

元帝

玉節居分陝金貂總上流麾軍時舉扇作賦且登樓年  
光徧原隰春色滿汀洲日華三翼舸風轉七星旂向解  
青絲纜將移丹桂舟

寄言謝桀黠無乃氣干雲安知霸陵下復有李將軍  
莫言江漢遠烟霞隔數千何必黃丞相重應臨潁川

餞謝文學離夜

沈約

漢池水如帶巫山雲似蓋  
節汨背吳潮潺湲橫楚瀨  
一  
望沮漳水寧思江海會  
以我徑寸心從君千里外

前題

齊王融

所知共歌笑誰忍別笑歌  
離軒思黃鳥分渚夢青莎  
翻  
情結遠旆灑淚與行波  
春江夜明月還望情如何

前題

二首

謝朓

春夜別清樽江潭復為客  
歎息東流水如何故鄉陌  
重  
樹日芬蓋芳洲轉如積望  
望荆臺下歸夢相思夕  
玉繩隱高樹斜漢耿層臺  
離堂華燭盡別幌清琴哀  
翻  
潮尚知恨客思眇難裁  
山川不可盡况乃故人杯

前題

劉繪

汀洲千里芳朝雲萬里色  
悠然在天隅之子去安極  
春  
潭無與窺秋臺誰共陟  
不見一佳人徒望西飛翼

前題

虞炎

差池燕始飛幕歷草初輝  
離人悵東顧遊子愴西歸  
清  
潮已駕渚溽露復沾衣  
一垂當春聚方掩故園扉

前題

王常侍

月沒高樓曉雲起扶桑時  
燭筵暖無色行住閑相悲  
當  
軒已凝念况乃清江湄  
懷人忽千里誰緩鬢徂絲

前題

江孝嗣

石泉行可照蘭杜向含風離歌上春日芳思徒以空情  
遽曉雲發心在夕何終幽琴一罷調清醕復誰同

前題

梁蕭琛

執手無還顧別渚有西東荆吳眇何際烟波千里通春  
筍一作篁方解籜弱柳向低風相思將安寄悵望南飛鴻

前題

范雲

陽臺霧初解夢渚水纔綠遠山隱且見平沙斷還續分  
弦饒苦音別唱多悽曲爾拂後車塵我事東臯粟

侍宴樂遊苑餞呂僧珍

沈約

丹浦非樂戰負重切君臨我皇秉至德忘已用堯心愍

茲區宇內魚鳥失飛沈推轂二嶠道揚旆九河陰超乘  
盡三屬選士皆百金戎車出細柳餞席遵一作樽上林命  
師誅後服授律緩前禽函轅方解帶曉一作曉武稍披襟  
伐罪芒山曲弔民伊水潯將陪告成禮待此未抽簪

去東陽與吏民別

微薄叨今幸忝荷非昔期唐風豈異世欽明重在茲飾  
驂去關輔分竹入河淇下車如昨日曳組忽彌蒼霜載  
凋秋草風三動春旗無以招臥轍寧望後相思

送別友人

君東我亦西銜悲涕如霰浮雲一南北何由展言宴方

作異鄉人贈子同心  
翳遙齋發海鴻連  
翩一作聯出簷燕  
春秋更去來參差不相見

別范安成

生平少年日分手易前期  
及爾同衰暮非復別離時  
勿言一樽酒明日難重持  
夢中不識路何以慰相思

侍宴謝朓宅餞東歸

應制

皇情悵東甌羽旆拂南廛  
夏雲清朝景秋風揚早蟬  
飲和陪下席論道光上筵

侍宴樂游苑餞徐州刺史

應詔

沃若動龍驟參差凝鳳管  
金塘草未合玉池泉將滿

臥疾怨別劉長史

一作臨秋怨別

江淹

四時煎日夜玉露摧紫榮  
始懷未及歎春意秋方驚  
涼草散螢色衰樹斂蟬聲  
憑景魂且謚臥堂怨已生  
承君客江潭先愁鴻鴈鳴  
吳山饒離袂楚水多別情  
金堅碧不滅桂華蘭有英  
無輟代上朝豈惜鏡中明  
但見一葉落哀恨方未平

應劉豫章別

清塵播嶠岫遠  
被修代高行乃厲天俗  
態擘明林散  
才賢裂分堯甸於時

秋永永江漢起殘烟  
獵獵風剪樹颯颯露傷蓮  
霞出海

五言古詩 卷二十一  
中雲水發江上泉浸淫泉懷浦泛濫雲辭山洲渚一揚  
袂殞意元氣前願效卷施草春華冬復堅

無錫舅相送銜涕別

心遠路已迴意滿辭未陳曾風漂別益北雲竦征人杯  
酒憐歲暮志氣非上春若無孤鳥還瀝泣何所因

別詩

范雲

孤烟起新豐候鴈出雲中草低金城霧木下玉門風別  
君河初滿思君月屢空折桂衡山北摘蘭沅水東蘭摘  
心焉寄桂折意誰通

送沈記室夜別

桂水澄夜氛楚山清曉雲秋風兩鄉怨秋月千里分寒  
枝寧共採霜猿行獨聞捫蘿正憶我折桂方思君

侍宴樂遊苑送張徐州

應詔

丘遲

詰旦聞闐開馳道聞鳳吹輕萸承玉輦細草藉龍騎風  
遲山尚響雨息雲猶積巢空初鳥飛荇亂新魚戲寔爲  
北門重匪親孰爲寄參差別念舉肅穆恩波被小臣信  
多幸投生豈酬義

送殷何兩記室

王僧孺

掩袖出南浦驅車送上征飄飄曉雲駛漾漾日潮平不  
肖余何惜無貲爾勿輕倘有還書便一言訪死生

侍宴餞湘州刺史張續

庾肩吾

洞庭資善政層城送遠離九歌揚妙曲八桂動芳枝  
雨足飛春殿雲峯入夏池郢路方遼遠湘山轉蔽虧  
何當好風日極望長沙垂

侍宴餞張孝總

應令二首一作吳均

層臺臨迴漲耿耿晴烟上欲送分符人翻似河隄望  
寒雲暗積水秋雨蒙重嶂別念動神襟華文切離貺  
慙無寡和曲空陪郢中唱

江上早寒生蕭條鏡管清別筵開帳殿離丹卷幔城前  
山黃葉起對岸白沙驚臨澗同極望高吹愧才輕

侍宴餞湘東王

應令

陳王從遊士高宴八承華並載同連璧雕文類簡沙  
落猿時動樹墜雪暫搖花念此離筵促方愁別路賒

侍宴餞東陽太守

東部資良守北宮敦獻酬新枝漸接樹故凍欲含流  
早花少餘雪春寒極晚秋徒嗟白岸遠空想赤松遊

新林送劉之遴

旆轉黃山路舟纒白馬津送輪時合憶分驂各背塵  
常山喜臨代隴頭悲望秦欲持漢中策還以贈征人

酬別江主簿屯騎

吳均

五言古詩 卷二十一  
有客告將離贈言重蘭蕙泛舟當泛濟結交當結桂濟  
水有清源桂樹多芳根毛公與朱亥俱在信陵門趙瑟  
鳳皇柱吳醵金壘樽我有北山志留連爲報恩夫君若  
逸翮搏景復凌騫白雲開海樹秋日暗平原寒蟲鳴  
趨落葉飛翻翻何用贈分首自有北堂萱

壽陽還與親故別

故人來送別帳酒臨行阡露繁秋色慢氣愴蟬聲煎  
渡章華國葉亂洞庭天復有向隅淚中腸昔涕連但願  
千丈松結景雲之峯山高日華早枝多風彩重我還愛  
芳杜君住揖驪龍

客子慘無歡送別江之干白雲方渺渺黃鳥尚關關  
紛巫山石合沓洞庭瀾行衣侵曉露征舫犯夜湍無因  
停合浦見此去一作珠還

樹響浹山來猿一作溪聲繞岫急旅帆風飄揚行巾露沾

濕深浪閭蒹葭濃雲沒城邑不見別離人獨有相思泣

發湘州贈親故別 三首

相送出江潯淚下沾衣襟何用敘離別臨岐贈好音敬  
通才如此君山學復深明哲遂無賞文華空見沈古來  
非一日無事更勞心

雲生曉靄靄花落夜霏霏問余何意別答言倦遊歸徒

勞易水布空負洛陽衣懷金無人別抱玉遂成非安得  
久留滯商山饒白薇

君留朱門裏我至廣江濱城高望猶見風多聽不聞流  
蘋方繞繞落葉向一作尚紛紛無由得共賞山川間白雲

酬聞人侍郎別三首

悵然心不樂萬里向悠悠凌朝憇枉渚薄暮遵江洲君

住青門上我發霸陵頭相思自有處春風明月樓一作明月

清風樓

整棹北川湄迴首望城邑林疎風至少山高雲度急共  
懷萬里心各作千行泣欲見終無緣思君空佇立

舉首川之折一作沂離鴻四向飛子憐三湘薛我憶五陵

薇但使同嘉遁何必共輕肥思君美如玉不覺淚沾衣

贈鮑春陵別

落葉思紛紛蟬聲猶可聞水中千丈月山上萬重雲海  
鴻來倏去林花合復分所憂別離意白露下霑裙

別王謙

嚴光不逐世流轉任飛蓬欲還天台嶺不狎甘泉宮離  
歌玉絃絕別酒金卮空倘遺故人念僕在東山東

別夏侯故章

白馬黃金羈青驪紫絲鞵新知關山別故人河梁送置



五言古詩 卷二十一 二十四  
此一函書爲余達雲夢

征客

公卿來悵別笳聲在狹斜  
玉樽浮雲蓋朱輪流水車  
鞞中懸明月劔杪照蓮花

送吕外兵

白雲浮海際明月落河濱  
送君長太息徒使淚沾巾

南還道中送贈劉諮議別

何遜

一官從府役五稔去京華  
遽逐春流返歸帆得望家  
天末靜波浪日際歛烟霞  
岸薺生寒葉村梅落早花  
遊魚上急水獨鳥赴行楂  
目想平陵柏心憶青門瓜  
曲陌背

通垣長墟抵狹斜善鄰談穀稼  
故老述桑麻寢興從聞逸視聽絕  
喧譁夫君日高興爲樂坐驕奢  
室墮傾城佩門交接憶車入塞長  
雲雨出國暫泥沙握手分歧路臨  
川何怨嗟

答何記室

劉孝綽

遊子倦飄蓬瞻途杳未窮  
晨征凌迸水暮宿犯頽風  
出洲分去燕向浦逐歸鴻  
蘭芽隱陳葉荻苗抽故叢  
忽憶園間柳猶傷江際楓  
吾生棄武騎高視獨辭一作餘雄  
旣殫孝王產兼傾卓氏僮  
罷籍睢陽囿陪謁建章宮  
紛余似鑿枘方圓殊未工  
黑貂久自弊黃金屢已空  
去辭追

五言古詩 卷二十一 五  
楚穆還耕偶漢馮巧拙良爲異出處嗟莫同若一作厭  
蘭臺右見訪灞陵東

別沈助教

何遜

可憐玉匣劒復此飛鳧鳥未覺愛生憎忽見雙成隻一  
朝別笑語萬事成疇昔道適若波瀾人生異金石願君  
深自愛共念悲無益

答何郎

沈繇

歡戚遞來事聚散居常理但傷膠投漆忽作弦離矢形  
影一東西山川俄表裏執手涉梁上悲心萬端起古同  
兒女泣况此流湖水

與沈助教同宿湓口夜別

何遜

我爲潯陽客戒旦乃西游君隨春水駛鷄鳴亦動舟共  
泛盆之浦旅泊次城樓華燭已消半更人數唱籌行人  
從此別去去不淹留

與崔錄事別兼敘攜手

去夏予回首言乃重行行今春遊派澁訪子猶武城暫  
別年逾半同歸月未盈復道中寒食彌留曠不平道術  
旣爲務懽悵若未井及爾沈痾愈值茲秋序明石磧沿  
江靜沙流繞岸清川平看鳥遠水淺見魚驚逝將窮履  
歷方欲恣逢迎何言聚易散鄉棹爾孤征我本倦遊客

心念似懸旌聞離常屑涕是別盡淒情況此忘懷地相  
愛猶弟兄脉脉留南浦悠悠返上京欲鑷星星鬢因君  
示友生

送韋司馬別

送別臨曲渚征人幕前侶離言雖欲繁離思終無緒憫  
憫分手畢蕭蕭行帆舉舉帆越中流望別上高樓予起  
南枝怨子結北風愁邈邈山蔽日洶洶浪隱舟隱舟邈  
已遠徘徊落日晚歸衢並駕奔別館空筵恣想子歛眉  
去知予銜淚返銜淚心依依薄暮行人稀曖曖人塘港  
蓬門已掩扉簾中看月影竹裏見螢飛螢飛飛不息獨

愁空轉側北牕倒長簾南鄰夜聞織素置勿復陳重陳  
長歎息

贈江長史別

二紀歷茲辰投分敦遊處况事兼年德宴交無爾汝中  
歲多乖違由來難具敘及君相藩牧伊予客梁楚出國  
乃參差會歸同處所以茲篤惠好何用忘羈旅重得申  
平生何年更睽阻龍禽恨跼促逸翮超容與饒道出郊  
垌把袂臨洲渚長飈落江樹秋月照沙渚遠送子應歸  
棹開帆欲舉離舟懽未極別至悲無語安得生羽毛從  
君入宛許

與蘇九德別

宿昔夢顏色咫尺思言偃疑作宴何況杳來期各在天一  
面脚踏暫舉酒倏忽不相見春草似青袍秋月如團扇  
三五出重雲當知我憶君萋萋若被逕懷抱不相聞

贈韋記室黯別

故人儻送別停車一水東去帆若不見試望白雲中促  
膝今何在銜杯誰復同水夜看初月江晚泝歸風無因  
生羽翰千里暫排空

臨行與故游夜別

一云從鎮江州與故遊別

歷稔共追隨一旦辭羣匹復如東注水未有西歸日夜

西窗空堵曉燈暗離室相悲各罷酒何時同一作促膝

與胡興安夜別

居人行轉軾客子暫維舟念此一筵笑分為兩地愁露  
濕寒塘草月映清淮流方抱新離恨獨守故園秋

見征人分別

淒淒日暮時親賓俱竚立征人拔劍起兒女牽衣泣候  
騎出蕭關追兵赴馬邑且當橫行去誰論鬻屍入

車中見新林分別甚盛

金谷賓遊盛青門冠蓋多隔林望行憶下阪聽鳴珂於  
時春未歇麥氣始清和還入平原逕窮巷可張羅

送司馬入五城

隨風飄岸葉行雨暗江流居人會應返空欲送行舟

送褚都曹

君隨結客去我乃倦遊歸本願同棲息今成相背飛

相送 二首

客心已百念孤遊重千里江暗雨欲來浪白風初起  
高軒雖駐軫餘日久無輝以我辭鄉淚沾君送別衣

臨別聯句

臨別情多緒送歸涕如霰君望長安城予悲獨不見  
爾來同去國予歸方異縣懷別心獨憂手淚方濺濺

相送聯句

寸陰常可惜別至倍傷神子瞻天際水予望路中塵  
憫憫岐路側去去平生親一朝事千里流涕向三春

送別聯句

昔共入門笑今成送別悲君還舊聚處為我一嘔眉  
於今還促膝自此客江湄願子俱停駕看予獨解維

侍宴餞陸倕

應令一作劉孝威

蕭子顯

諸皇餞離送廣命傳羽觴侍遊追曲水開宴等清漳  
新泉已激浪初卉始含芳雨罷葉增綠日斜樹影長

侍宴餞庾於陵 應詔

劉孝綽

皇心眷將遠帳餞靈芝側是日青春獻林塘多秀色芳  
卉疑綸組嘉樹似雕飾遊絲綴鶯領光風送綺翼下輦  
朝既盈留宴景將昃高辯競談端奇文爭筆力伊臣獨  
無伎何用奉吹息

侍宴餞張惠紹 二首前首應詔後首應令

滄池誠自廣蓬山一何峻麗景花上鮮油雲葉裏潤風  
度餘芳滿鳥集新條振餞言班俊造光私獎輜去徒然  
謬反隅何以窺重仍

鮮雲積上月凍雨晦初陽迴風飄淑氣落景煥新光竹

萌始防露桂挺已含芳瑤階變杜若玉沼發攢蔣聖襟  
惜岐路曲宴闌蘭堂

冬日家園別陽羨始興 劉孝勝

四鳥怨離羣三荆悅同處如今腰艾綬東南各殊舉且  
欣棠棣集彌惜光陰遽黠吏本須裁豪民亦難御願勗  
千金水思聞五湖譽

侍宴餞新安太守蕭幾 應令 劉孺

芝殿延藻景畫室寫油雲玄覽多該洽聖思究前聞微  
密探精義優游妙典墳飲餞參多士言贈賦新文

送友人上湘 虞羲

五言古詩 卷二十一 三十  
濡足送征人寒裳臨水路共盈一樽酒對之愁日暮漢  
廣雖容舫風悲未可渡佳期難再得但願論心故沉水  
日生波芳洲行墜露共知丘壑改同無金石固

別劉孝先

一作何遜

朱超道

疲痾積未廖伏枕倦長愁復念夜分首江上儘徂秋陰  
凝變遠色落葉泛寒流繁霜積曉纜輕冰繞夜舟曳裾  
出兔苑引領望龍樓勿念荆臺側無爲戚情遊

別席中兵

數年共棲息一旦各聯翩莫論行近遠終是隔山川長  
波漫不極高岫鬱相連急風亂還鳥輕寒靜暮蟬扁舟

已入浪孤帆漸逼天停車對空渚悵

長

一作望轉依然

幸玄武湖餞吳興太守任惠

陳後主

寒雲輕重色秋水去來波待我戎衣定然送大風歌

餞別自解

樂昌公主

今日何遷次新官對舊官笑啼俱不敢方信作人難

奉送始興王

陰鏗

良守別承明枉道暫逢迎去帆收錦紵

一作纜

歸騎指蘭

城紛糺連山暗潺湲派水清桂晚花方白蓮秋葉始輕  
背飛傷客念臨岐憫聖情分風不得遠何由送上征

廣陵岸送北使

行人引去節送客艤歸艫卽是觀濤處仍爲郊贈衢汀  
洲浪已息邗江路不紆亭嘶背櫪馬檣轉向風烏海上  
春雲襍天際晚帆孤離舟對零雨別渚望飛鳧定知能  
下淚非但一楊朱

江津送劉光祿不及

依然臨送渚長望倚河津鼓聲隨聽絕帆勢與雲隣泊  
處空餘鳥離亭已散人林寒正下葉釣晚欲收綸如何  
相背遠江漢與城闔

新亭送別 應令

徐陵

鳳吹臨伊水時駕出河梁野燎村田黑江秋岸荻黃隔

城闔上鼓迴舟隱去檣神襟愛一作遠別流涕極清漳

秋日別庾正員 一作張正見

征途愁轉旆連騎慘停鑣朔氣凌疎木江風送上潮青  
雀離帆遠朱鳶別路遙唯有當秋月夜夜上河橋

別毛永嘉 一云別毛尚書

願子厲風規歸來振羽儀嗟余今老病此別空長離白  
馬君來哭黃泉我詎知徒勞脫寶劔空掛隴頭枝

隴頭送征客

周弘正

朝霜侵漢草流沙度隴飛一聞流水曲行住兩霑衣

征虜亭送新安王 應令

張正見



五言古詩 卷二十一 三十一  
鳳吹臨南浦神駕餞東平亭迴漳水乘旆轉洛濱笙地  
凍班輪響風嚴羽蓋輕燒田雲色暗古樹雪花明岐路  
一迴首流襟動睿情

別南海賓化侯

江總

石關通越莽蒲澗邇靈洲此地何遼夙羣英逐遠遊高  
才袁彥伯令譽許文休悠焉值君子復此映芳猷嶠面  
多險澀星瑄壯環周分岐泣世道念別傷邊秋斷山時  
結霧平海若無流驚鷺一羣起哀猿數處愁是日送歸  
客爲情自可求終謝能鳴鴈還同不繫舟其如江海泣  
惆悵徒離憂

贈洗馬袁朗別

賈誼登朝日終軍對奏年校文升廣內撫劔入崇賢奇  
才殊艷逸將別更留連驅車命鏡管拱坐面林泉池寒  
稍下鴈木落久無蟬露浸山扉月霜開石路烟高談無  
與慰遲爾報華篇

別袁昌州

二首

河梁望隴頭分手路悠悠徂年若驚電別日欲成秋黃  
鵠飛飛遠青山去去愁不言雲雨散更似東西流  
客子歎途窮此別異西東關山嗟墜葉岐路憫征蓬別  
鶴聲聲遠愁雲處處同

別永新侯

一作張正見

送君張掖郡分悲函谷關欲知腸斷絕浮雲去不還

亂後別蘇州人

賀力牧

徘徊睇閭闔悵望極姑蘇慨矣嗟荒運悲哉惜霸圖子  
常終覆郢宰豁遂亡吳石隕星方暗山崩川自枯周京  
摧棧樸漢社落粉榆宮毀無巢燕城空餘樂鳥茲邦號  
端委多士自相趨照廡同燕石光車等魏珠言離已惆  
悵念別更踟躕若訪任公子求余東海隅

送庾羽騎抱

北齊鄭公超

舊宅青山遠歸路白雲深遲暮難爲別搖落更傷心空

城落日影迴地浮雲陰送君自有淚不假聽猿吟

別陸子雲

一云別陸才子

周王褒

解纜出南浦征棹且凌晨還看分手處唯餘送別人中  
流搖葢影邊江落騎塵平湖開曙日細柳發新春滄波  
不可望行雲聊共因

送別裴儀同

河橋望行旅長亭送故人沙飛似軍幕蓬卷若車輪邊  
衣苦霜雪愁

一作

貌損風塵行路皆兄弟千里念相親

別王都官

未四句一作庾信重別周尚書

連翩憫流客悽愴惜離羣東西御溝水南北會稽雲河

橋兩堤

一作岸

絕橫岐數路分山川遙不見懷袖遠相聞

入關故人別

百年餘古樹千里闇黃塵關山行就近相看成遠人

任洛州酬薛文學見贈別

庾信

子居河之曲英彥本連蹤鹽形或變虎鼎氣乍成龍若  
人承載德宮墻定數重五衢開辯路四照起文烽日余  
濫推轂民願始天從上洛分都尉弘農開附庸羊腸連  
九阪熊耳對雙峯白石仙人芋青林隱士松北梁送孫  
楚西堤別葛龔故人倘書札黎陽七足封

別周尚書弘正

扶風石橋北函谷故關前此中一分手相逢知幾年黃

鵠一反顧徘徊應愴然自知悲不已徒勞減瑟絃

別張洗馬樞

別席慘無言離悲兩相顧君登蘇武橋我見楊朱路關

山負雪行河水乘冰渡願子著朱鸞知余在玄菟

別庾七入蜀

峻嶺拂陽烏長城連蜀都石銘懸劍壁沙洲聚陣圖山

長半股斷樹古半心枯由來兄弟別共念一荆榛

送別 應令

望別非新館開舟卽舊灣浦喧征棹發亭空送客還路

塵猶向水征帆獨背關

送周尚書弘正 二首

交河望合浦玄菟想朱鳶共此無期別知應復幾年

離期定已促別淚轉無從惟愁郭門外應足數株松

重別周尚書

陽關萬里道不見一人歸唯有河邊鴈秋來南向飛

贈別

藏啼留送別拭淚強相參誰言畜衫袖長代手中冷

和庾四別

離關一長望別恨幾重愁無妨對春日懷抱只言秋

和侃法師別詩 三首

秦關望楚路灞岸想江潭幾人應落淚看君馬向南

客遊經歲月羈旅故情多近學衡陽鴈秋分俱渡河

迴首河堤望眷眷嗟離絕誰言舊國人到在他鄉別

贈別司馬幼之南聘

隋盧思道

故交忽千里輜車蒞遠盟幽人重離別握手送征行晚

霞浮極浦落景照長亭拂霧揚龍節乘風遡鳥旌楚山

百重映吳江萬仞清夏雲樓閣起秋濤帷蓋生陸侯持

寶劍終子繫長纓前修亦何遠君其勗令名

別贈

孫萬壽

昔我遊雲閣及爾謬同官高步參師友長裾接綺紈索  
居方十載相思勞萬端不言今夕遇得盡故人歡酒隨  
彭澤至琴卽武城彈高齋屏餘熱珍簞宿輕寒葉落霜  
威重莫疎月色殘將歸動離恨彌傷行路難

別周記室

王胄

五里徘徊鶴三聲斷絕猿何言俱失路相對泣離樽別  
意悽無已當歌寂不喧貧交欲有贈掩涕竟無言

送晉熙公別

尹式

太行君失路扶搖我退飛無復紅顏在空持一作將白首  
歸色移三代服塵化兩京衣道窮方識命事去乃知非

西候追孫楚南津送陸機雲薄鱗逾細山高翠轉微氣  
隨流水咽淚逐斷弦揮但令寸心密隨意尺書稀

別宋常侍

遊人杜陵北送客漢川東無論去與住俱是一飄蓬秋  
鬢含霜白衰顏倚酒紅別有相思處啼鳥雜夜風

送蔡君知入蜀

二首

孔德紹

金陵已去國銅梁忽背飛失路遠相送他鄉何日歸  
靈關九折險蜀道二星遙乘楂若有便希泛廣陵湖

別徐永元秀才

孔紹安

金湯既失險玉石乃同焚墜葉還相覆落羽更爲羣豈

謂三秋節重傷千里分促離絃易轉幽咽水難聞欲識  
相思處山川間白雲

送別

陳子良

落葉聚還散征禽去不歸以我窮途泣沾君出塞衣

別蔡參軍

庾抱

人世多飄忽溝水易西東今日歡娛盡何年風月同悲  
生萬里外恨起一杯中性靈如未失南北有征鴻

送金敬陵入蜀

崔信明

金門去蜀道玉壘望長

女豈言千里遠方尋九折難西

上若飛蓋東歸我挂冠  
聲出峽斷月彩落江寒從今

與君別花月幾新殘

送別

魯范

去留雖有異失路與君同何如拔心草還逐斷根蓬

送別秦王學士江益

劉夢予

百年風月意一旦死生分客心還送客悲我復悲君

留別

鄭蜀賓

畏塗方萬里生涯近百年不知將白首何處入黃泉

送別

釋智才

鏡中辭舊識灞岸別新年來未應老祗爲數經離

與從弟別


郭愔

五言古詩

卷二十

三十八

乖索易爲久尋離覺月促遼落隔修塗窈窕閭丘谷



夫留難日異尖視與吾同何成卦以草叢潑澗嶽

幾限

魯莖

與我限非日幾陳歎

